

# Lentšū La Modimo Le Tlile Go Moporofeta William Marrion Branham

## **“Meoya Ya Go Gokagoketša Kgahlanong Le Lentšū La Modimo”**

O se ke wa goboša modiradibe. E ba le mogau go yena. Mo tlogele a ikgogele peipi ya gagwe, a inwele bjälwa bja gagwe, mo tlogele a be le moletlo wa gagwe wa dikarata. Seo ke lethabo la gagwe. O se ke wa mo sola. Go tla gae le dilo tšohle, o lapile mme o fedile, o nyaka lethabo. Seo o swanelwago go se dira ke go phela bophelo bja Modimo gore o kgone go hlatsela go yena gore Ebangedi ye o e swerego e feta ga dikete tše lesome go papadi. Gomme ge a ka hwa mo seemong seo, o tla ya Heleng, mo bjäleng bja gagwe. Ke botagwa bja Diabolo seo. Ge a ka hwa a goga ke peipi yeo ya kgale, Modimo ke Moahlodi wa gagwe. Ge a ehwa, a tloga mo, eya mminong mme a kitima ka diaparo tša bootswa, Modimo ke Moahlodi wa bona.

Eupša go na le selo se tee, ge o ehwa o le ka fase ga tlotšo ya Maatla a Moya Wo Mokgethwa, bjalo ka Stefane ge a lebeletše sefahlego sa Modimo, a re, “Ke bona Legodimo le bulegile, gomme Jesu a eme ka letsogong le letona,” le ba Legodimo, bjalo ka [nonyana.—Mofetoledi] martin go ye tona ya yona. Amene.

Meoya ya go foraforetša kgahlanong le Lentšū la Modimo! Tlemolla, di e kele. “O e dira bjang, Ngwanešo Branham?” E no di tlogela. Ke seo o swanelwago go se dira. Tšea Lentšū la Modimo. O se ke wa leka go dira selo. O se ke wa batamela fase aletareng, wa e itiya, wa hlaba lešata, “Morena, mphe Moya Wo Mokgethwa! Morena mphe Moya Wo Mokgethwa!” Ga A tle go wena, a itiya aletara. Seo ga se hole selo. Aowa. Ga se tsela yeo O tlogo ka yona. Ke, Go Mo tšea Mo Lentšung La Gagwe.

Lebelela Petro. Petro o be a le mo go šišago, go bonala o ka re o ya go hwa. Gomme a bona Morena a etla, a sepele mo meetseng. Gomme a re, "Morena, ge e le Wena, ntumelele ke tle go Wena."

Morena A re, "Etle."

Bjale Petro a re, "Bjale ema ga nnyane, Morena, ntumelele ke ye go ikona matšatši a masome a mane, go bona ge eba nka kgona go sepela godimo ga meetse ao, goba aowa. A Morena, nke ke be le Moya wo o ntekanego, gore ke kgone go bina ka Moya gomme ke boelele ka maleme, ka mo seketswaneng, gore ke tlo kgona go tšwa?" Aowa, Mohlomphegi! O tšere Modimo Lentšung la Gagwe, tlemolla gomme di ikele. Modimo a mo fetiša.

Go bjang ge eba Modimo a kopane le Moše, gomme A re, "Moše sepela ya kua Egepeta, mme o botše Farao, 'A lokolle batho baka ba sepele'?" Go ka be go bile bjang Ge Moše a ka be a itše, "Ntese ke ye go ikona matšatši a masome a mane, pele, gomme ke bone ge eba ke na le tumelo ye e lekanego go Go obamela, Modimo. Mphe se sengwe, se sengwe, Morena Gape. A ke go botše se sengwe, nke ke bone ge nka tsena Moyeng, pele?" Moše ga se aka a botšiša dipotšišo, O ile a fo tšea Modimo mo Lentšung la Gagwe, gomme a tšwela pele. Ke tsela yeo o swanelwago go e dira, tšea Modimo Lentšung la Gagwe. Gomme o tla tseba o tla kgona go e dira. Ga se aka a letela go fihla se sengwe se direga, o ile a tšwelela pele mme a e dira.

Go bjang ka Eliya, ge a fologa a etla Thabeng ya Karamele, O be a bile mowe lebaka le letelele. Gomme a kopana le mosadi wa mohlologadi wa modiitšana, e be e le. . . o be a sa mo tsebe, e le Montle. Gomme ge a mo kopanyetša mowe, o be a topelela dikgonyana, mo serapeng. Gomme Modimo O mmoditše, "Theogela ngwakong wa mohlologadi yoo." A lefelo leo moreri a ka yago!

Šo o ya kua ntlong ya mohlologadi. Gomme ge a dirile, o be a swere dikgonyana tše pedi. A re, "O dira eng?"

A re, "Ke topelela dikgonyana. Ke na le botswana bjoo bo lekanetšego go dira dinkgwana di se kae. Ke seo fela ke šetšego le sona. Ke mengwaga e meraro go sa ne pula." Gomme are, "Bjale ke ya go dira dinkgwana tše. Gomme nna le mošimanyana wa ka re ya go ja, mme re ikhwele."

A re, "Ntirele se tee, pele!" Halleluya! Aa! Ke—ke a tseba ke kwagala o ka re ga ke tšee gabotse, eupša ke ka lehlakoring la Morena, le ge go le bjalo. A re, "Ntirele se tee, pele! Ka gore, O REALO MORENA!" Še fao.

Ke eng seo? "Nyakang pele Mmušo wa Modimo, le go loka ga Gagwe!" E sego Mmušo wa Modimo le "lešatanyana," e se go mmušo wa Modimo le "maikwelonyana," e sego Mmušo wa Modimo le "se se nnyane se goba sela." Eupša, "Modimo, Mo tokong ya Gagwe, ka fao tše dingwe tše di tla okoletšwa go wena!" Bea pele!

Bjale, re setše re kwele seo. Tumelo e tla ka go kwa, go kwa ka Lentšu. A re, "Seo ke Lentšu la Morena, ka gobane ke monna yo mokgethwa wa Modimo. Ke moporofeta wa Modimo, mme ke a tseba ke nnete. Gomme seo ke Lentšu la Modimo."

Bjale, ga se a ka a kitima le mo go botšiša baagišani gore a dire bjang. Ga se a ka a nyaka go ya go boledišana. . .gomme a botše baagišani, a re, "Bjale, le nagana eng? Moreri o mola ntlong ya ka o bolela se. Susie, o nagana eng ka se?"

A ya a tsena, a thoma go duba. O ile a dumelela. A lesa seo a nago le sona sa fela, gore a kgone go hwetša tše ntši. Ke seo lefase le se nyakago lehono, ke go tlogela tša ikela mo go lokilego ga kgale ga tšeo o nago le tšona. Halleluya! O ile a duba, ka fao a kgona go hwetša tše ntsi. O ile a kgothola mahura ka moka a bego a na le wona, le mahura le bupi ka moka a bego a na le tšona, go moreri, Mmušong wa Modimo. Gomme ge a kgothotše ka moka ka moo, Modimo a fologa, a tlatša seroto sa bupi, a tlatša

legapa la makhura. A kgotholela gape sebjaneng sa moreri, gomme A fologa, a e tlatša gape. A kgothola. Nakong ka moka ge a kgothola, O be a tlatša.

Ke tla re lehono, ge motho a ka kgothola tšhila ka moka a e rwelego le go ekiša Bo-Kriste, gomme a tlogela gore Moya Wo Mokgethwa o tšee sebaka, go tlo ba le tsošeletšo go thoma ka di 8 mo Mokgotheng wa Penn yeo e tla akaretšago naga ka moka. Tlogela tšhila, boelang Lentšung la Modimo. Kgotholang, gore le kgone go tlatšwa. Lesa di ikele, gomme Modimo o tla dira gore di tle. Kgotholang, Modimo o tla tlatša. Dilo ka moka di sego tša loka. "O swanelwa ke go dira se ebile o swanelwa go dira *sela*, o swanelwa ke go dira se, o swanelwa ke go dira *sela*." Lebala! Kgothola go tšwa moyeng wa gago wa bophelo!

E re, "Modimo, go tšwa mo pheletšong. . .letšatši le, e be le le phethegilego Lago. Morena, ke tla ka pelo ye e robegilego. Ke tla ka moya wo ithobilego. Ke a Go rata, gomme O a tseba gore ke a Go rata. Gomme ke nyaka go lebala bošilo bjo ka moka bjo bja go ikona matšatši a masome a mane gomme ke bone ge nka se tle kgauswi le Modimo, gomme dilo ka moka tše, tšela, le tše *dingwe*, tšhila ye ka moka."

E emiše! Ga go selo mo Lentšung seo se rego o ikone matšatši a masome a mane. Ga go selo. Ga go selo mo lefaseng se go botšago gore o ikone, ge e se ge Modimo a ka go botša. Bjale ge o ikona, ga o ile go swarwa ke tlala, gomme dilo tše di ka se tloge. Ge o ikona, ngwanešo, o tla kwa nyakalalo le lethabo ka dinako tšohle. A re, "O seke wa tšwelela pele ga batho bjalo ka ge moikaketši a dira, ka sefahlego se se telele, sa go nyama. 'Ke mo matšitšing a masome a mane a go ikona, dibjana tša ka di ka se ntekane gape. Ke lahlegetšwe ke diponto tše masome a mararo tša boima, gomme ba re ke bonala ke le gabotse ka morago ga ge se se fetile.'" Aa, tšhila! Ke meoya ya go foraforetša ya Diabolo.

Emelela mo aletareng, mme o re "letago, letago, letago" go fihlela o sa hlwe o kgona go bolela selo gape, gomme o re, "O swanelwa ke go bolela ka maleme pele ga ge o hwetša Moya Wo Mokgethwa." Tšhila! Kgotholela kua ntle!

Ntšha seo mo tshepedišong ya gago gomme o tle Lentšung la Modimo! A re, "Sokologang, yo mongwe le yo mongwe wa lena, mme le kolobetšwe Leineng la Jesu Kriste gore le lebalelwe dibe, gomme le tla hwetša neo ya Moya Wo Mokgethwa." Ge Modimo a sa kgone go phetha Lentšu la Gagwe Gona Ga se Modimo. Amene. Kgothola! Gore o tlatšwe! Amene. Aai! Ke rata seo, seo ke Lentšu la Gagwe. Modimo o boletše bjalo. Seo se lokile. Gomme ge Modimo a e boletše, Modimo o tla e hlokomela. Go lokile, Boitokišetšo ka moka bjo o bo dirago, go ya kerekeng ka moka mo o ka kgonago go go dira. . .

Go no swana le mo mošomong wa dikoloi mo ba agago sehlopha se segolo sa dithoto, goba sehlopha se segolo sa dikoloi tsa go nametša batho. Ke be ke fela ke šoma moo. Gomme ba tšea mme ba aga makhoutšho a magolo le tše dingwe, gomme ba beelela kota e thata, ba e alela ka mahokani mo gohle, le tšohle ka bothakga, ba e ntšhetša kua ntle mo mothalong, gomme e be e hwile bjalo ka sepekere sa lemati. Ka mo ba bea entšine, go se na moya wo o fišago ka gare, e tla no dula gona moo.

Seo e se nyakago lehono ke mollo ka gare ga sebidiša. Seo e se nyakago lehono ke moya woo o fišago. Seo e se nyakago lehono, kereke, gore e bele. . . Sa go fiša kudu sebidiši go fiša sebe mo bophelong bja gago, ke lerato. Gomme ge le sa kgone go ratana, le tlile go rata Modimo bjang Yoo le sa kago le mmona? Lerato le uta dibe tše ntšintši. Ratang Modimo, ka fao le tla kgona go ratana, ka fao le tlo rata kereke, le tla rata Mohlodi, le tlo rata dilo ka moka tšeo di na go le bo Modimo, gomme le tla e ikaroganya le dilo tša lefase.

Meoya ya go foraforetša e ralala le batho e ba botša se, *sela* goba se *sengwe*, "Ba swanelwa ke go dira se, ba swanelwa ke go dira *sela*." Ke ka lebaka la gore dikereke

tšela tša maina di tsošitšwe, le gore ba na le kutullo ye nnyane ge ba re, "Go lokile, bjale, ke dumela gore motho. . .ke dumela go selo sa go swana le go hlaba mašata, mo Beibeleng." Go bjalo, ke nnete. Ba dirile kereke ya leina go tšwa go yona, "Ge o hlaba lešata, o tla ba O hweditše." Eupša ga se wa e hwetša.

Yo a latelago o a rotoga, a re, "Go bolela ka maleme." Go lokile, seo se ka Beibeleng. "Eupša ge o bolela ka maleme o e hweditše." Eupša ba bantši ba bolela ka maleme mme ga se ba e hwetša. O a bona? Ga se Wona. Aowa, Mohlomphegi.

Ba bantši ba bona ba re, "Go lokile, re swanetšwe boporofeta."

Lebelela baporofeta ba ba nago le dinaka dihlogong tša bona, ba tabogela godimo-le-fase mme ba porofeta. Gomme Mika a re, "Le a, yo mongwe le yo mongwe, fora." Amene. Go lokile. Modimo ga a rate seo. Modimo o tla go pelo yeo e ikokobetšago, yeo e tlogo ka go ithoba, moya woo o robegilego. "Yoo a yago pele a gaša ka megokgo ntle le tikatiko o tla goma a thabile, a tla le yena a swere dingata tše bohlokwa." Amene. Hwetša seo gabotse, Mogwera.

(From *Meoya Ya Go Gokagoketša*, July 24, 1955)

Voice Of God Recordings, *South Africa Office*

P.O. Box 178, Somerset West, 7130 Cape Province, Republic Of South Africa

## Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriste. Puku ye e ka se kgone go rekišwa, go tšweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditšhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

**VOICE OF GOD RECORDINGS**

**P.O. BOX 950, JEFFERSONVILLE, INDIANA 47131 U.S.A.**

[www.branham.org](http://www.branham.org)